

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-11513/24
Sarajevo, 09.5.2024. godine

Na osnovu člana 24. a), člana 28. i člana 70. Zakona o javnim nabavkama („Službeni glasnik BiH“, br. 39/14 i 59/22) i člana 26. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine, a na preporuku Komisije za javnu nabavku radova, Općinski načelnik donosi:

ODLUKU

I

Prihvata se ponuda ponuđača ZZ „Gros-Comp“ p.o. Hadžići sa ponuđenom cijenom za ugovor u iznosu od 15.147,40 bez PDV-a, odnosno 17.722,45 KM sa PDV-om u predmetu pregovaračkog postupka bez objave obavještenja o nabavci - „Izvođenje dodatnih radova na izgradnji rampi i nadstrešnica za invalidna lica po Ugovoru br. 1 – broj 02/12-19-26416/23 od 14.02.2024. godine“.

II

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

Obrazloženje

Komisija je u predmetnom postupku javne nabavke konstatovala da je Služba za investicije i komunalne poslove aktom br. 02/08-19-5988/24 od 22.3.2024. godine tražila pokretanje pregovaračkog postupka za dodatne radove jer je tokom realizacije Ugovora broj 02/12-26416/24 od 14.02.2024. godine - „Izgradnja rampi i nadstrešnica za invalidna lica“ od stručno-tehničkog nadzora „Radis“ d.o.o. Istočno Sarajevo dostavljen akt broj NA-112-03/24 od 21.3.2024. godine kojim se konstatuje da je u toku realizacije ugovora došlo do potrebe za izvođenjem dodatnih radova kako bi se obezbijedila bolja pozicija rampi za invalidna lica u prostoru, te poboljšala funkcionalnost istih, te je stručni tehnički nadzor dao saglasnost na opise pozicija koji su predmetom pregovaračkog postupka.

Na osnovu naprijed navedenog Služba za zajedničke poslove utvrdila je da su ispunjeni uslovi za pokretanje pregovaračkog postupka u skladu sa članom 24. (a) Zakona o javnim nabavkama. Shodno tome donesena je Odluka o pokretanju postupka javne nabavke br. 02/12-19-11513/24 od 16.4.2024. godine - „Izvođenje dodatnih radova na izgradnji rampi i nadstrešnica za invalidna lica po Ugovoru br. 1 – broj 02/12-19-26416/23 od 14.02.2024 . godine, putem pregovaračkog postupka bez objave obavještenja o nabavci. Procijenjena vrijednost nabavke shodno Odluci je 15.247,40 KM bez PDV-a, odnosno 17.839,46 KM sa PDV-om. Služba za zajedničke poslove je potom uputila poziv za učešće u pregovaračkom postupku broj 02/12-19-11513/24 od 18.4.2024. godine ponuđaču ZZ „Gros-comp“ Hadžići.

Zapisnikom o otvaranju ponuda od 25.4.2024. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda ponuđača: ZZ „Gros-Comp“ Hadžići.

Komisija je izvršila analizu dostavljene inicijalne ponude br.47-01-23/24 od 22.4.2024. godine i utvrdila da ispunjava formalno-pravne uslove utvrđene pozivnim pismom, te je nakon izvršene analize jediničnih cijena pristupljeno postupku pregovaranja sa predstavnikom ponuđača.

U toku postupka pregovaranja, dana 25.4.2024. godine, konstatovano je da se najveći broj pozicija koje su predmet pregovaračkog postupka odnosi na dodatne količine a koje su već istenderisane i utvrđene u ugovoru, te da su cijene u dostavljenoj ponudi broj 47-01-23/24 od 22.4.2024. godine identične. Stručna tehnička lica su pregovarala sa predstavnikom ponuđača o mogućnosti smanjena cijene ponude, te je ponuđač pozvan da u roku od tri(3) dana dostavi konačnu ponudu.

Ponuđač je u ostavljenom roku putem protokola dostavio konačnu ponudu br. 47-01-23/24 od 26.4.2024. godine sa ponudenom cijenom za ugovor u iznosu od 15.147,40 KM bez PDV-a, odnosno 17.722,45 KM sa PDV-om. Komisija je izvršila računsku kontrolu ponude i konstatovala da nije bilo računске greške, te da je ponuđač smanjio poziciju 11 - demontaža postojećeg željeznog portala i da je ukupna cijena ponude u okviru procijenjene vrijednosti.

Komisija je izvršila uvid u osnovni ugovor zaključen sa ponuđačem, te ugovore koji za predmet imaju slične radove, zabilješku nadležne Službe o ispitivanju tržišta nadležne službe, te su stručna tehnička lica Komisije utvrdila da je iznos konačne ponude smanjen nakon postupka pregovaranja, da su radovi koji su predmet postupka većim dijelom radovi koji su sastavni dio osnovnog ugovora, te da ponudene cijene nisu veće od cijena u osnovnom ugovoru, odnosno da su cijene u konačnoj ponudi identične cijenama u osnovnom ugovoru, te da su jedinične cijene u konačnoj ponudi tržišne.

Na osnovu navedenog Komisija je dala preporuku za dodjelu ugovora ponuđaču ZZ „Gros-Comp“ p.o. Hadžići.

Imajući u vidu navedeno, na preporuku Komisije za javne nabavke radova, a primjenom člana 28. i člana 64. stav 1. tačka b) Zakona o javnim nabavkama ("Službeni glasnik BiH" broj 39/14 i 59/22), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis

